

Mobilitate Planak trafiko antolaketaren efikazia haunditzea proposatzen du

■ Efikazia haunditzearekin batera, marko estrategikoaren barruan proposatu du automobilaren inpaktu negatiboak arindu eta kotxeari alternatibak bultzatzeko.

LEBER Planifikazio eta Ingenieria enpresak Hernaniko Mobilitate Plana egin du, Udalak aginduta. Diagnostika eginda, LEBERek hiru estrategia nagusi planteatzen ditu egoera hobetzeko: 1) trafiko sistemaren efikazia haunditzea, 2) automobilaren inpaktu negatiboa arintzea, eta 3) beste transporte moduak bultzatzea.

Konklusioak

Azterketa horretan azaltzen diren konklusioen arabera, aurreneko puntuan dio Hernanik inguruko herrien joera beretsua daramakiela: herria jendez mantendu egiten da, geroz eta unitate familiar gehiago dago, eta motorizazioa asko hazi da. Horrekin batera, konklusioek azaltzen dute Hernanin Kaxko inguruan jende eta lanpostu kontzentrazioa dagoela, batez ere zer-

APARKALEKUAK

Estudioak dio Hernani aparkalekuz ondo dagoela, eta Kaxkoan rotazio sistemen bat jartzea proposatzen du, komertzioaren mesedetan.

bitzu eta merkataritzaren bueltan. Estudioaren hirugarren konklusioa da Hernaniko mobilitatea Donostiarako joerak markatzen duela, baina, hala ere, jende asko ibiltzen dela oinez (hernaniarrek herri barruan egiten dituzten biajeen % 73 oinez egiten dituzte), eta estudioak dio elementu hori



Mobilitate Planak dioenez 4 hernaniarretik 3k oinez egiten ditu herri barruko bideak.

zaindu eta bultzatu beharrekoa dela. Era berean, estudioak azaltzen du oinez egin litekeen bide asko kotxez egiteko joera dagoela, eta komeni dela hori mugatzea. Hernanin egunero 2.000 biaje egiten dira kotxez kilometro bat baino motzagoak.

Trafiko intentsitatea ere kontuan hartu beharreko elementua da. Herriko zenbait puntutan (Karabeleko zubian, Galarretan,...) 800 kotxe pasatzen dira orduko, eta estudioaren arabera hori da ara-

zorik ez izateko muga.

Apar-kalekuei dagokionez, Hernani beste herriak baino hobeto dagoela dio LEBERen estudioak. Hala ere, bi ondorio hauetara iritsi da azterketa: 1) bertakontzat aparkamendu eskaintza ona da, baina, zaindu beharrekoa, geroz eta automobil gehiago dagoelako; 2) Kaxko inguruak rotazio sistema bat eskatzen du, eta horrek mesede egingo lioke zona horretako merkataritza eta aktibitateari. □

BESTE DATU BATZUK

■ Lan-egun batean 61.100 biaje izaten dira Hernanin: % 27 oinez, % 17 transporte publikoan, eta % 55 kotxean. Hernanitik kanpora, biajeen % 68ak kotxez egiten dira, eta % 32 garraio publikoan.

■ Herriarren % 47ak herrian bertan lan egiten dute; % 28ak Donostian, eta gainerakoek beste herrietan. Hernanira lanera datozenei dagokionez, % 40 Donostiatik dator, eta % 8na Urnieta, Errenteria eta Andoaindik.

■ Antziolako aldapa eta Karabeleko zubia dira trafiko intentsitate gehieneko bi puntuak: 800 kotxetik gora orduko, ordu puntatan, manejatuko litekeenaren muga-mugan.

■ Istripu gehieneko zonak dira Urbieta kalea, Latsunbe eta Zinkoenea.

■ Karga-deskargan, beharrezkoa da denbora mugak errespetatzea eta ibilgailu autorizatuek bakarrik erabiltzea.

PROPOSAMENAK ETA HELBURUAK

- 1) Jendea oinez ibiltzeko erreztasunak eman behar dira, bide seguruak, erosok eta atseginak jarriaz
- 2) Herriko aktibitate zonak eta oinez ibiltzeko bideak elkarrekin ondo komunikatu.
- 3) Oinezko ibiltokiak lasaitu eta babesteko neurriak hartu.
- 4) Herri barruan bide motzak egiteko kotxea hartzea penalizatu.
- 5) Zentroan rotazioko aparkamendua bultzatu.
- 6) Trafiko aldaketak Kaskotik berteneko kaleak babeste aldera.
- 7) Transporte publikoa bultzatu geltokietara joateko bideak erraztuta.
- 8) Trafiko sarea optimizatzeo neurriak hartu.



Victor Goikoetxea margolaria.

Victor Goikoetxea pintoreak erakusketa jarriko du Biterin

VICTOR Goikoetxea margolari hernaniarrek pintura erakusketa jarriko du bihurtik aurrera Biterin. Goikoetxeak *Trompe d'oeil* erara jarriko du erakusketa eta otsailaren 27 arte egongo da zabalik, 18:00etatik 20:00ak arte.

Mendinueta eta Karrere psikologoen zahartzeari buruz hitzaldia emango dute gaur Biterin

BIDEXKA Psikologia taldeak antolatuta, gaur arratsaldeko 18:00etan, zahartze prozesuari buruzko hitzaldia izango da Biterin. Hitzaldia Koro Mendinueta eta Maite Karrere psikologoen emango dute eta honako galdera eta kezka hauen inguruan hitz egingo dute: *zer da zahartzea gure kulturaren? Nola hartzen dugu bizitzaren garai hori? Urte gehiagotan bizi, edo hobeto bizi.* Gaur, 18:00etan, Biterin. □

JUBILATU ETXEA

Kuota ordaintzeko epea zabalik dago

JUBILATU Etxeak adierazi du astelehena ezkerotik zabalik dagoela urteko kuota ordaintzeko epea. Kuota 3 euro da. □

ITXASPE
ARRANDEGIA
Antziola 5 - Tel. 943 330 365
Mobila: 653 74 10 97
20120 HERNANI

ALZUEA
TOLARE - SAGARDOTEGIA
www.alzuetasagardotegia.com
Astearretik Larunbatera irekita
Alzueteta Sagardotegia S.L.
Osinaga Auzoa, 7 • 20128 Hernani
Tel./Fax: 943 55 15 02
e-mail: alzueteta@alzuetasagardotegia.com

AMEGAR
etxe tresnak
altzariak
Elektrogailuak
TB - Bideoak -
HI-FI - Opariak
Sukalde
Altzariak
Txirrita 15 Izpizua 27
Tel 943 551125 - Faxe 943 551603

DORRONSORO
OKINDEGIA
Bertan egindako kalitatezko ogia
J.DORRONSORO OKINDEGIA, S.L.
Lizeaga, 7 ☎ 943 33 36 18 -20120 HERNANI

JOSEBA PAGAZAURTUNDUAREN KONTRAKO ATENTATUA



Kontzentrazioa Atsegindegin Joseba Pagazaurtunduren kontrako atentatua salatzen.

Peñacoba (PSE-EE): "Josebak bene-benetan defenditu zituen demokrazia eta askatasuna, eta biziarekin ordaindu du hori"

■ Astelehenean kontzentrazioa egin zen 'ETA ez' lemarekin, Joseba Pagazaurtunduren heriotza ekarri zuen atentatua salatzen.

EA, EAJ, PSE-EE, eta IU-EBk deituta, astelehenean kontzentrazio isila egin zen Atsegindegin Joseba Pagazaurtundua hernaniarraren kontrako atentatua salatzen. Kontzentrazioa iluntzeko 20:00etan izan zen, eta pankartari eusten PSE-EE, EA eta EAJko kargu eta zinegotziak izan ziren.

Joseba Pagazaurtundua zena PSE-EEko militantea

zen, eta Pablo Peñacoba Hernaniko Sozialisten buruak esan zuen Pagazaurtundua benetan defenditu zituela demokrazia eta askatasuna, eta hori biziarekin ordaindu behar izan duela. "Ezagutzen nuen Joseba, eta harek beti defenditu izan du askatasuna, adierazpen askatasuna eta demokrazia. CNTn ibili zen, eta Euskadiko Ezkerran gero.

Azkenean, bizia kendu diote askatasuna defenditzeagatik" esan zuen Pablo Peñacobak kontzentrazio ondorenean.

Gorputza erraustu

Joseba Pagazaurtunduren gorputza Zorroagako tanatorioan egon zen, eta Polloen erraustu zuten gero. Familiak hala eskatuta, ez da bere aldeko hileta elizkizunik izan. □



Udaletxeko langile bat botoa ematen, astelehenean izandako hauteskunde sindikalean.

LABek irabazi ditu Udaletxeko hauteskunde sindikalak

■ LAB sindikatuak 5 delegatu atera ditu, eta ELAk 2 delegatu.


UDALETXEAN hauteskunde sindikalak izan ziren astelehenean eta LABek atera ditu delegatu gehiena. Denera 114 langilek zuten botoa emateko eskubidea eta 98 pertsonak botatu dute. LABek 62 botu lortu ditu, botoen % 71, eta 5 delegatu atera ditu. ELAk 32 boto jaso ditu, botoen % 32, bi delegatu atera ditu.

Joxe Arrieta LABeko ordezkariak esan du emaitza positiboak direla. "Batetik, -esan

du Arrietak- gure sindikatuak irabazi ditu hauteskundeak Udaletxean eta espero genuen delegatu kopurua lortu dugu. Bestetik, berriz, azpimarratzekoa da subiranotasunaren aldeko indar sindikalak lortu dugula ordezkari eta CCOO ez dela aurkeztu."

ELAk orain arte ez zuen delegaturik. Aurten bi atera ditu, eta % 29 igo da bototan. ELAk azpimarratu du sindikatu horrek oso pauso haun-

dia eman duela, eta azaldu du beste bi boto bakarrik falta izan zaizkiola hirugarren delegatua ateratzeko. Era berean, ELAk nabarmendu du LAB 7 delegatutik 5era jeitsi dela, eta botoen % 16 galdu duela. Konfiantzako botoa eman izana eskertzeaz gain, ELAk adierazi du datozen 4 urteak ez direla xamurrak izango, baina, langileek sindikatu horren "babea, lana eta konpromisoa izango dituztela". □



Ate-joka taldeak etxebizitzarekin lan egiten duten zenbait sektoreetan protesta ekintzak egin ditu.

ETXEBIZITZA

'Ate-joka' taldeak manifestazioa deitu du etxebizitza eskubidea dela aldarrikatzeko

■ Manifestazioa otsailaren 20an izango da, 19:00etan.

ATE-JOKA taldea etxebizitza pertsonen eskubide bat gehiago dela kontsideratzen duen taldea da, eta errebinkazio hori zabaltzeko zenbait ekimen egin ditu azken hilabeteotan.

Aurrera begira, berriz, bi inizatiba bultzatuko ditu, Ate-joka taldeko ordezkariak Kronikari adierazi diotenez. Batetik, otsailaren 20rako (osteguna), manifestazio bat deitu du espekulazioa salatu eta etxebizitza eskubide bat dela aldarrikatzeko. Manifestazioa arratsaldeko 19:00etan da eta Gudarien plazatik aterako da. Bestetik, Ate-joka

taldeak Udalari proposatuko dio etxebizitzaren gaia bideratuko duen batzorde berezi bat sortzea.

Ate-joka taldeak "etxebizitzaren egoeran erantzunkizunak dituzten erakundetan" protesta ekintzak egin izan ditu: banketxeetan, promotoreetan, inmobiliarietan eta abar. Horretaz gain, 997 zenbakiarekin kanpaina bat egin zuen Ate-joka taldeak Hernanin zenbat etxe huts dauden zabaldu eta herriko egoera azaltzeko. Horrekin batera, etxebizitzari buruzko hitzaldi bat ere antolatu zuen Biterin. □

ESKERTZA

Kandelaria Legarreta Huizi

(Migel Zabala Juanikorenaren alarguna)

Otsailaren 2an hil zen



Kandelariaren senitartekoei eskerrak eman nahi dizkizuegu, egun hauetan gurekin egon zeratenoi eta hiletara etorri zineten guztioi.

GUZTIAGATIK ESKERRIK ASKO.

Hernanin 2003ko otsailaren 12an.

ZERBITZUAK

☎ TELEFONOAK

- ▶ Taxiak: 943 550093
- ▶ Udalzaingoa: 943 333288
- ▶ DYA: 943 464622
- ▶ Autobusak: 943 556662
- ▶ Anbulatorioa: 943 006666
- ▶ Jokalari anonimoak: 943 331103

☎ FARMAZIAK

- ▶ Egunez: Aizpuru Latxunbe Berri 11 ☎ 943 336077
- ▶ Gaez: Orue Lasarte. Jaizkibel plaza 2 ☎ 943 362652

IRAGARKI MERKEAK

Aireportuetako hegaldi KONTROLADOREA. AENaren konbokatoria. Ezinbestekoa: Diplomatura edo lizentziatura. Ingelesa. ADOZ: 943 44 45 09

AUTOESKOLAKO IRAKASLE. Parorik gabeko lanbidea. Sarrera garrantziatsuak. Presta zaitez. ADOZ: 943 44 45 09

GUARDA FORESTALA. Euskal Herriko parke eta erreserba naturaletan lan egin ezazu. Ezinbestekoa: Graduatua. Presta zaitez. ADOZ: 943 44 45 09

BONBEROAK. Euskal Herriko parkeetan egin ezazu lan. Lan baldintza bikainak. Ezinbestekoa: Graduatua. ADOZ: 943 44 45 09

TRANSPORTISTA. Transportean ibiltzeko behar den gaitasun titulua lortu ezazu. ADOZ: 943 44 45 09

ADMINISTRARI AUXILIARRAK. Udaletarako deialdiak. Ezinbestekoa: Graduatua. Presta zaitez. ADOZ: 943 44 45 09

UDALTZAIN bezala lan egin ezazu Udaletan. Datozen deialdiarako. Ezinbestekoa: Graduatua. Presta zaitez. ADOZ: 943 44 45 09

Udal Liburutegietan AUXILIAR. Datozen deialdiarako. ADOZ: 943 444509

BANKU eta AURREZKI KUTXAtarako auxiliarrak behar dira. Ezinbestekoa: B.U.P. Datozen deialdiarako. Presta zaitez. ADOZ: 943 44 45 09

Txofer, elektrikista, kontserje, operario,... Udaletan lan egin ezazu. ADOZ: 943 444509